

四庫全書

子部

欽定四庫全書

子部

記纂淵海卷二十一

詳校官中書臣余日煥

侍讀臣孫球覆勘

總校官降調編修臣倉聖脉

校對官學正臣常循

謄錄監生臣王元愷

欽定四庫全書

記纂淵海卷二十一

宋 潘自牧 撰

郡縣部

河北西路

真定府

倚郭一

真定

外縣八

藁城

樂城

元氏

井

獲鹿

平山

行唐

靈壽

天威軍

郡號常山

郡沿革天文昴畢分野禹貢冀州之域周為并州地春秋為鮮虞國戰國屬趙秦為鉅鹿郡地漢初置恒山郡後避諱改曰常山武帝置真定國常山屬焉東漢建武間併真定屬常山國魏復為郡晉因之治真定後魏移治真定又復移治安樂壘後周於郡置恒山隋廢郡存州大業間省州以縣屬高陽郡唐復置恒州開元間改恒州郡置大都督府元和中改鎮州後升成德軍節度五代時梁改武順軍唐復成德軍後又為鎮州晉改順

德軍漢復成德軍周改為鎮州本朝為真定府成德軍

節度

沿革表

縣沿革真定本戰國楚之東垣邑漢改為真定縣屬常

山郡 藁城漢舊縣屬真定國本朝因之 樂城本春

秋晉樂武子封邑東漢置樂城縣 元氏本趙公子元

之封邑漢置元氏縣屬常山郡 井陘漢舊縣屬常山

郡 獲鹿本戰國趙之石邑唐改名獲鹿隸恒州 平

山本春秋晉之蒲邑唐改為平山縣屬恒州 行唐隋

卷二十一  
割真定地置行唐縣漢屬常山國 靈壽本戰國時中

山國地漢置靈壽縣

同上

形勝抱犢山在府西南昔韓信伐趙持赤幟登山而望  
即此 橫山在真定縣南 劍山在井陘縣東其形似  
劍 雲鳳山在井陘東北 神山在井陘縣東 射探

山在井陘縣東南秦將王翦伐趙下井陘於此射探

蒼巖山在井陘縣東上有海山龍堂 西屏山在獲鹿

縣西高聳為一郡奇景 神巖山在元氏西南 無極

山在元氏縣西有漢時碑 封龍山在元氏西北 楸

山在靈壽縣西北上多楸樹 東林山在平山縣北上

有千佛堂 玉女山在行唐縣北 試劍石在元氏縣

境唐郭元振得寶劍即此 滹沱河在武城南為九河

第一流 天寧閣在府治東高一百三十尺中有銅鑄

觀音像 樂武臺在樂城縣境晉大夫樂武子所築

白鹿臺在平山縣西漢武帝登此有白鹿至故名 淮

陰侯廟在獲鹿縣西 王淳南祠在藁城縣學董王趙

三氏勲閔子弟祀其師王若虛 麥飯亭在潯沱河馮

異進麥飯於光武即此

輿地紀勝

人物周郤縠行唐人悅禮樂敦詩書常為晉文公將中  
軍 列國樂毅靈壽人燕昭王以為亞卿伐齊下七十  
餘城 漢李左車行唐人韓信用其策下燕齊諸城

田叔井陘人常薦孟舒朝廷稱其知人 三國趙雲真  
定人為漢昭烈將累樹奇功封永昌亭侯 南北朝張  
彫武中山人通五經尤明三傳弟子就業者以百數事



北齊遷平原太守 隋李知本元氏人博學性孝友子  
孫百數庭無間言大業末盜賊過閭不入相戒曰無犯  
義門 唐倪若水藁城人擢進士嘗為汴州刺史政尚  
清淨累官尚書右丞 劉禹錫中山人擢進士宏詞科  
累官集賢直學士 劉栖楚真定人累官右拾遺常諫  
敬宗遊畋碎首玉階帝為動容 皇朝高懷德常山人  
從太祖征澤潞及揚州以功封冀國公 曹彬靈壽人  
太祖命為都監伐蜀回囊中惟圖書而已及下江南不

妄殺一人以功封魯國公 曹琛彬長子習知韜畧屢

戰有功授同平章事 曹瑋彬第三子沉勇有謀通春

秋三傳年十九舉措老成累立戰功為都指揮使 賈

昌朝獲鹿人登進士為崇政殿說書拜中書門下平章

事

同上

集光武經營業未興王郎兵草暫憑陵須知後漢功臣

力不及滹沱一片冰 肅氣關河暮屯烟部落晴旂彩

秋燒去甲色夜光橫

石曼卿

吾聞中山相乃屬放麋翁孤

獸猶不忍況以奉君終

陳伯玉

士喜擊中鼓虜疑聞後鉦

無私乃時雨不殺是天聲

石曼卿贈曹彬

寒逾博望塞春燕隗

囂城外使戎心伏旁資帝道平

同上

本朝開寶六年廢九門石邑二縣端拱初以鼓城隸祁

州淳化九年以東鹿隸深州慶厯八年初置真定府路

安撫使統真定府磁相邢趙洺六州熙寧六年省井陘

入獲鹿平山八年復置徙治天武軍即縣治置軍使隸

府有天威軍小作口王家谷二砦熙寧六年省靈壽為

鎮入行唐八年復有赤陘飛吳二砦

沿革表

萬人背水亦

書意獨驅市人收萬全

黃魯直

君不見溱沔流漸車折軸

公孫倉皇送豆粥濕薪破竈自燎衣饑時頓解劉文叔

自經戎馬心逾壯天入風霜氣更豪橫槊賦詩男子

事征西誰為謝諸曹

並東坡

夷門一把平安火定遂恒山

候騎來

李長源

破趙降燕漢業成兔亡良犬日圖烹功蓋

一時誠不減恨埋千古欲誰明

韓維圭

相州

倚郭一外縣三

安陽湯陰

臨漳

林慮

郡號鄴郡

州沿革天文室壁分野禹貢冀州之域商河亶甲居相  
即此春秋為晉之東陽地戰國為魏之鄴地秦為上黨  
邯鄲二郡地漢置魏郡治鄴東漢末冀州徙治鄴魏曹  
操受封於此後稱為鄴都晉仍為魏郡屬冀州後趙石  
虎前燕慕容皝並都之後魏於此置相州東魏靜帝徙都  
之改曰司州北齊武帝又都之改為清都尹後周復改  
為相州及魏郡治安陽隋初置郡為相州大業初復改

魏郡唐為相州天寶初改鄴郡乾元初復為相州五代  
梁置昭德軍節度晉改彰德軍本朝復相州屬河北道  
縣沿革安陽本紂都之地左傳蒹陽即此秦更名安陽

湯陰古羗里地戰國為魏湯陰地漢置湯陰縣 臨

漳縣本鄴地魏文侯始封於此晉改為臨漳縣 林慮

縣本漢陰慮縣屬河北郡後漢改林慮縣

沿革表

形勝韓陵山在郡東北魏高歡破爾朱榮于此 蒙齋山

在郡西南魏孝文帝遷洛陽頒賚衆臣因名 龍山在

郡西魏都傳虎澗龍山即此 銅山在安陽西北山舊  
產銅 魯山在安陽西北相傳春秋時魯般居其下

高望山在安陽西北 飛鳳山在湯陰縣西其形似鳳

淺山在湯陰縣西南與太行山相接 鶴山在湯陰

縣西昔有雙鶴棲其上 東嶗山在臨漳西南東魏高

澄於此鑿池以為遊玩之所 太行山在林慮縣西羣

山一帶為中州巨鎮 黃華山在林慮西上有仙人樓

玉女臺魯般門下有黃華谷瀑布泉 隆慮山在林慮

西北有奇景 玉泉山在林慮西南有泉清潔如玉

將軍山在林慮西南昔齊侯伐晉駐兵於此 龍井昔

晉孫登常醫病龍即痊龍穿此井以報登 拔劍泉在

郡西韓琦以劍插地泉水湧出 九華宮在臨漳縣西

後趙石虎所建 紫陌宮 披雲樓 逍遙樓 玳瑁

樓俱在臨漳縣治皆石虎所建 畫錦堂在郡治北韓

琦以宰相判鄉郡建於居地歐陽修記蔡襄碑尚存

忘機堂醉白堂俱在府治 雙桂堂在湯陰縣 會盟



亭在洹水上 狎鷗亭觀魚亭俱在志機堂前 廣脊

亭在府治東 樂山亭在林慮西登此亭以望西山歷

歷可指 五松亭在林慮縣西 銅雀臺在臨漳西曹

操所築中懸大銅雀高一丈五尺其瓦可以為硯 堯

廟在府城 湯廟在林慮縣 文王廟在湯陰縣 張

騫廟 岳飛廟 扁鵲墓俱在湯陰縣 曹操疑塚在

講武城外 太甲舊都在郡西南 羗里在湯陰縣

魏徵宅在安陽縣 浣衣里在湯陰縣境晉嵇紹血濺

御衣在此浣之

興地紀勝

人物漢霍諝鄴人為北海相常言梁冀專權桓帝嘉其忠焉 魏桓安陽人朝廷召之不應舉世稱高之 杜

喬林慮人少舉孝廉遷南郡太守東海相梁冀專權正色不撓卒為所害 晉邵續安陽人博覽經史初為成

都王叅軍後為樂陵太守累官冀州刺史 南北朝孔

伯恭鄴人事魏累官鎮樂將軍 唐傅奕鄴人仕為太

史丞常上書詆浮圖法 戴曹安陽人為秦王府叅軍

犯顏諫諍遷尚書左丞叅知政事 杜正倫相州人初

置文學館魏徵薦其才累遷中書侍郎 杜羔正倫孫

舉進士性至孝官至工部尚書 皇朝韓國華安陽人

舉進士性純直累官左司諫子琬賜進士出身琚璩琦

並進士及第 韓琦國華子弱冠舉進士方唱名太史

奏五色雲見歷仕中外朝廷倚重封魏國公 韓忠彥

琦子舉進士初為樞密丞拜右僕射數進讜言大有忠

益封儀國公 岳飛湯陰人少負氣節好左氏春秋誓

以忠義報國為秦檜所害追封鄂王謚武穆

同上

集禮樂儒家子英豪燕趙風 鳴琴當理邑走馬却從

戎白及千夫闕黃金四海同 鄴州新騎滿魏帝舊臺

空望闕應懷戀遭時貴立功

並韋應物

朝光耀庭雪宿凍聚

池寒正色臨廳事疑詞定筆端

張說

魏帝當年銅雀臺黃

花深映菊叢開

薛能

金鳳隣銅雀漳河望鄴城

劉方平

士苦

形骸黑林疎鳥獸稀那堪往來戎恨解鄴城圍

杜甫

本朝熙寧五年省永和縣入安陽宣和二年以湯陰縣

隸濟州尋復隸相州熙寧五年省鄴縣入臨漳

沿革表

甘

棠猶茂應存愛植柳堪驚近過圍魚遊藻間適物性月

沉波底發禪機

韓魏公

遷鶯賀燕翩翩集嘉樹甘棠次第

春

宋子京

黃昏日傍霜臺落綠樹人穿廢苑行

劉彥冲

白首

三朝社稷臣壺漿夾道擁如雲金貂爭看真宰相竹馬

猶迎舊使君

韓魏公

中山府

倚郭一外縣六

安喜

無極

曲陽

唐

望都

新樂

北平

郡號博陵

郡沿革天文昂畢分野禹貢冀州之域漢為中山郡後  
改中山國魏改定州晉慕容垂都地隋改博陵郡唐改  
定州天寶初改博陵郡乾元初復為定州建中間改義  
武郡節度本朝改定武軍政和間陞中山府

沿革表

縣沿革安喜漢中山郡地後魏屬定州本朝陞州為府  
以安喜附焉 無極本漢毋極縣唐武后時改毋作無  
曲陽漢置上曲陽縣以在太行之陽轉曲處故名

唐漢常山國地本朝改為縣 望都亦漢常山國本朝

置縣 新樂漢新市縣屬中山國本朝因之 北平漢

薊州地李廣出獵暮遇石以為虎射之沒羽即此

同上

形勝嘉山在州西唐郭子儀敗史思明於此 少容山

在曲陽殷女昌容隱居之所上有八會寺利民侯祠

恒山在曲陽西北恒為北嶽蓋五嶽之一也辰星主焉

雙嶺山在唐縣西北 水豆巖在曲陽西北上有漱

玉亭並蘇軾書浮休二大字 雪浪石在郡文廟前狀

如雪浪鑿石盆為芙蓉形以盛之 沙河在新樂西南東

流入海 黑水在郡界地深而不流 閼古堂在郡治

後園韓琦率武定時建傍書歷代良守將事績凡六十

條 問山堂在無極縣境內 春露亭在新樂縣南

義臺在新樂縣南燕慕容麟戰於義臺即此 倒馬關

在郡西 龍泉關在曲陽縣西 韓魏公祠在丈廟西

蘇東坡祠在郡境內 堯城在郡東北 固城在郡

城東相傳禹治水所築 苦陘城在無極縣東魏李克



為中山相知縣吏之貪而免之

興地紀勝

人物南北朝魏季景曲陽人博學有文才仕魏為中書

侍郎家無餘財所著文筆二百卷魏釗曲陽人博涉

羣書仕齊為建忠將軍子長賢博涉經史為著作郎

隋魏澹季景子世業文章仕為禮部侍郎唐張行誠

郡人少師劉炫稱其器宇方正宰相才也高宗補侍

御史崔玄暉郡人武后時為天官侍郎後封博陵郡

王李百藥郡人七歲能文魏立為鳳閣舍人與裴

炎結交能保終始號耐久朋 陽城郡人德宗召拜諫  
議大夫后遷國子司業 崔湜郡人舉進士累官中書  
令與弟液澄從兄洙並以文學顯 甄濟無極人知祿  
山將叛隱居不仕後肅宗召為太子舍人 五代杜審  
琦郡人昆弟五人世以積善聞其妹即太祖母昭憲太  
后太祖贈審琦神武大將軍諸子弟并姪顯於朝 皇  
朝劉斌郡人性至孝嘗手仞父讐朝廷義之釋其罪  
王安中曲陽人進士及第累官翰林院學士尚書左丞

所著書七十餘卷

同上

集對敵六奇峯臨戎八陣張

唐太宗  
晏中山

旌旃朝朔氣笳吹

夜邊聲坐覺烟塵掃秋風古北平

杜必  
簡

王師非樂戰之

子慎甲兵海氣侵南部邊風掃北平

陳伯  
玉

天開還白日

風動散晴雲紈扇情初斷黃花興欲醺

杜牧  
之

月浪衝天

天宇濕涼蟬落盡水星入

但聞北斗聲回環不見長

河水清淺

並李  
義山

戍樓吹角起征鴻獵獵寒旌背晚風千

里暮烟愁不盡一川秋草恨無窮

張泌  
山

本朝建隆元年以易北平併來屬太平興國軍改武定  
軍節度本定州慶厯八年始置定州路安撫使統保定  
深祁安肅順安永寧八州政和三年升為府改賜郡名

曰中山

沿革表

孤雲落日在馬耳照耀金碧開烟鬟

東坡

行西來萬馬屯勢壓岱嶽爭雄尊飛狐上黨天下脊半  
掩落日先黃昏畫師爭摹雪浪勢天工不見雪斧痕

同上

中山雄北邊地得要害扼烽警昔未徹民日困兵革

中山古戰國殺氣浮高牙

並韓魏公

信德府

倚郭一 邢臺  
外縣七 沙河

任 堯山 平鄉

內丘 南和 鉅鹿

郡號鉅鹿 襄國

郡沿革天文昴分野禹貢冀州之域周為邢國地後屬  
晉戰國屬趙秦置信都縣屬鉅鹿郡項羽改襄國漢屬  
鉅鹿常山二郡及趙廣平二國晉時為石勒所據石虎  
改置襄國後魏改為襄國縣後周仍為襄國郡隋初廢  
郡以縣屬洺州開皇中置邢州大業初復襄國郡唐初

為邢州置總管府天寶初改鉅鹿郡武德初復為邢州  
五代梁為保義軍節度唐改安國軍本朝升為信德府  
縣沿革邢臺秦信都縣地本朝改邢臺縣沙河本隋  
龍岡縣地後分龍岡南境置沙河縣任本春秋時晉  
張縣地漢置任縣堯山春秋時晉栢人邑戰國及漢  
為縣屬趙國唐改堯山縣平鄉本漢屢陶縣地後魏  
改平鄉內丘本漢常山郡之中丘縣晉陞中丘郡隋  
改為內丘縣南和漢舊縣屬廣平國東漢屬鉅鹿郡

鉅鹿本漢鉅鹿郡隋置鉅鹿縣屬趙州唐改屬邢州

本朝仍舊

並沿革表

形勝仙翁山在府城北唐時張果常止棲其上 雷公

山在府西上有雷公廟 百花山在府西南甚崇峻

石門山在邢臺縣石勒遣石季龍據石門即此 湯山

在沙河北有湯泉可以愈疾上有石室 堯山在縣西

北相傳堯時封於此上有堯祠 蓬鵲山在內丘西相

傳扁鵲採藥於此 百泉水在府東南水自平地出其

脉甚多 聖井相傳張果在此地掘井冬夏不渴 仙

井在南和北其水與平地深不可測上有廟 温泉在

沙河北四時常溫 洗腸源在內丘縣西昔有高僧曾

於此洗腸 蘇秦亭在沙河西秦送張儀入秦即此

沙丘臺在平鄉縣東秦皇東巡崩於此 豫讓橋在府

北豫讓刺趙襄子伏此橋下 銅馬祠在鉅鹿北祠漢

光武 郭巨廟在內丘縣東金堤村 祖乙都書傳祖

乙遷於邢即今府城是也

興地  
紀勝



人物漢路溫舒鉅鹿人累官臨淮太守治有異績 侯  
芭鉅鹿人少力學壯遊四方從揚雄受太玄獨得其旨  
張禹襄國人性篤厚節儉舉孝廉初拜揚州刺史轉  
兖州刺史以清平稱 孟敏鉅鹿人性剛直隱居不仕  
嘗客居太原荷甌墮地弗顧而去郭泰見而奇之 時  
苗鉅鹿人性清介為壽春令駕牛車至縣後生一犢及  
去任留其犢謂父老曰是爾土所生也 晉張賓內丘  
人博學有大節嘗自謂智筭不亞子房 南北朝游雅

任人魏太武時與高允俱知名累官太子太傅 隋游  
元少聰敏仕周歷壽春令有能名奉使黎陽督運楊玄  
感作逆元以正言論之為所囚不屈而死 唐李嗣真  
邢臺人舉明經直弘文館與劉獻臣徐昭少有名號三  
少武后嘗問以儲貳事對曰程嬰杵臼存趙孤古人嘉  
之后悟中宗乃得安 李之愷邢臺人博學性恭慎宋  
璟常師之 李懷遠邢臺人少孤嗜學擢四科第累官  
同平章事 宋璟南和人耿介有大節武帝時為鳳閣

舍人遇事直言不顧利害玄宗時為中興賢相首稱

柴守禮堯山人妹為周太祖后無子以守禮之子為子

是為世宗守禮徙居洛陽終世宗之世未嘗至京第以

元舅禮之皇朝陳薦沙河人舉進士為華陽尉韓琦

稱其廉於進勇於退嫌疑間毫髮不處進資政殿學士

集紫塞流沙北

駱賓王

雲遮襄國天邊去樹遶漳河地底

來絃管變成山鳥弄綺羅留作野花開

李遠

兩岸嚴風吹

玉樹一灘明月照銀沙

韋端已

昨緣秦苦趙來往大梁頻

鄭縱

回首覽燕趙春生兩河間雨歇清林潤烟空綠野閒

崔湜

雁塞秋聲遠龍沙雲路迷

張正見

本朝宣和元年升為府治宣和二年改龍岡縣為邢臺

熙寧六年省平鄉縣為鎮入鉅鹿元祐元年復熙寧六年省堯山縣入內丘元祐元年復熙寧五年省任縣為

鎮入南和元祐元年復

沿革表

太行穰秀霜洗盡全趙規

模天鑿成帝與天同大天存帝亦存桑麻通絕徼簫

鼓出深村水至孤亭合山居列岫尊尚餘土堦意樵牧

踐籬藩

劉潛夫題  
堯廟詩

火枯裏子殘銅斗土蝕平原舊玉簪

宮閉沙丘空有雀兵吞函谷已如蠶

陳剛中

濬州

倚郭一  
外縣一

衛  
黎陽

郡號濬川

州沿革天文室壁分野禹貢冀兗二州之域本春秋衛

邑漢為黎陽縣屬魏郡晉省後魏置黎陽郡及黎州隋

初州郡皆廢尋復置黎州大業初廢以縣屬汲郡唐復

置黎州貞觀中州廢以縣屬衛州五代晉置濬州本朝

改為通利軍熙寧初改黎陽政和間升濬州本朝因之  
縣沿革衛本春秋衛邑漢屬魏郡本朝屬濬州 黎陽

亦春秋衛邑魏置黎陽郡本朝改黎陽

並沿革表

形勝善化山在州西北三十五里上有三峯如鼎峙西  
有龍洞 大伾山在州東二里高四十丈峯巒拔秀禹  
貢導河即此 浮丘山在州西南三里峯巒三層傍有  
故城後陷為湖 紫金山在衛縣東北五里相傳玉女  
修真於其上傍有玉女觀 鳳凰山在衛縣故河東岸

相傳有鳳凰即此 黑山在黎陽西北八十里其色蒼  
黑九州要記黑子居此採茯苓食之壽五百歲 陳家  
山在黑山西下臨淇水高二十仞昔陳氏居此 同山  
在州西南十五里武王伐紂諸侯會同於此故名 衛  
河在縣境與洪漳潯沱等河至直沽入海 黎水在黎  
陽境內 長豐泊在州西南二十里按地志天下水名  
泊者二此其一也 鹿臺在州西五十里武王散鹿臺  
之財即此 杏花臺在大伾山西高二十丈 黎陽津

又名白馬津漢酈食其所謂守白馬之山即此 比干

墓在州境 子貢墓在州東 枋頭在州西南八十五里

淇水之北魏曹操於此築堰以障漕渠

輿地紀勝

人物春秋端木賜衛黎陽人聖門高弟封黎侯 北宮

文子衛人相衛侯如楚見令尹圉無威儀而知其不能

善終後果如其言 孔圉衛人為大夫善治賓客孔子

稱其敏而好學 公叔枝衛人為大夫衛君稱其有三

善謚曰貞惠文子 史魚衛大夫孔子稱其直 太叔



儀衛人有識見知甯喜之敗果如其言 公孫免餘誅

甯氏有功獻公賜之食邑辭不受 晉桑虞黎陽人有

沉識性至孝年十四喪父哀毀過禮五世同居人皆重

之 皇朝李載黎陽人少苦學登進士呂夷簡入相薦

其材累官六州以寬厚稱

同上

集隔河見桑柘藹藹黎陽川望望行漸遠孤峯凌雲烟

王維九迴紆白浪一半在青天氣肅晴空外光翻曉日邊

楊巨源登黎陽城眺黃河魏都城裏遊從熟才子齋中止泊多去日

綠楊垂紫陌歸時白草映黃河

賈島黎陽作

新詩不覺千迴

詠古鏡曾經一向磨惆悵心思滑臺北滿杯濃酒與愁

和

同上

本朝端拱元年以滑州黎陽縣為軍 天聖元年改通

利軍為安利四年以衛州衛縣隸軍熙寧三年廢為縣

隸衛州元祐元年改為軍政和五年陞為州號濬川軍

節度熙寧六年廢衛縣為鎮入黎陽後復

沿革表

精誠皎

於日發出為忠詞千古存遺像翻為諂子嗤

邵雍題此千墓

巖

扁嵐氣深石像苔花冷日送伍山雲扶桑散初景

陳無已

陰含烟雨重影落溪潭深斐然武公德衛風有遺音

同上

懷州

倚郭一  
外縣二

河內  
修武

武陟

郡號河內

州沿革天文室壁分野禹貢冀州覃懷之地商為畿內  
地周初為三監及邶鄘衛地後屬晉戰國時又為魏鄭  
衛三國地秦為三川河南二郡之北境漢初為殷國隋  
改河內郡晉為河內汲二郡地後魏置懷州兼置河內

郡隋初郡罷州存大業初廢州復置河南郡唐初置懷  
州治野王城天寶初改為河內郡乾元初復為懷州屬  
河北道本朝屬河北西路

沿革表

縣沿革河內春秋野王邑漢為野王縣屬河內郡晉復  
為郡隋改河內縣 修武商寧邑武王伐紂陳兵於寧  
故曰修武漢置修武縣 武陟春秋晉懷邑漢為懷縣

隋置武陟縣

同上

形勝太行山在郡城北二十里 馬頭山在郡西北三

十里有石柱鐵環相傳洪水懷山時民繫舟於此

明月山在懷州城東北四十里其山高峻可登眺 金

傘山在懷州城東北五十餘里其巖絕壁可愛 嵇山

在脩武縣北五十里嵇康嘗居其下 溫峪山在修武

縣北五十里峭壁千仞懸瀑下注會而為黑白二龍潭

鳳凰山在脩武北六十里熙寧間鳳集於此 六真

山在修武北二十里即六真子脩道之所上有六真洞

沁河在郡北二里源出沁州穿太行達濟源 神井

在郡城東北其水潔而味甘 望嶽樓在郡內高百尺  
為一郡勝槩 迎風樓在河內縣 甘泉閣在修武縣

下有井泉香而美

輿地紀勝

人物漢趙子河內人受詩學於韓嬰生徒甚盛 蔡茂  
河內懷人以儒學顯試博士遷侍中清儉匪懈 樂崧  
河內人天性朴直常為郎獨直臺上家貧無衾帝入臺  
見而嘉之召大官賜朝夕餐歷官南陽太守 衛颯修  
武人家貧好學隨師無糧嘗傭以自給建武初除侍御

史遷桂陽太守理恤民事居官治家有規程 丁蘭河  
內人性至孝喪母刻木像事之若生隣人張叔醉詈母  
像以杖擊其首蘭歸像色若有不懌詢知之即奮擊張  
叔吏捕蘭像為之垂泣郡守嘉其孝通神明奏之詔圖  
其形 張範修武人性恬靜徵命無所就 三國司馬  
芝河內人避亂於荊州躬耕守節後仕魏為廣平令遷  
陽平太守所在有績賜爵關內侯 常林河內人年七  
歲父黨造門問伯先在否汝何不拜林曰臨子字父何

拜之有長益知名歷官刺史封高陽郡侯 晉山濤河  
內懷人少與阮籍為竹林友後為吏部尚書甄拔人物  
時人謂之山公啓事 向秀河內懷人清悟有遠識與

嵇康親善仕至黃門侍郎散騎常侍 南北朝張蒲修

武人父翬在後燕為兵部尚書以清芳稱蒲少有父風

仕至尚書左丞後遷相州刺史 隋張衡河內人幼懷

志向有骨鯁風仕為御史大夫 唐韓愈修武北南陽

城人七歲讀書能日記數萬言及長盡通六經百家之



學擢進士第累官刑部侍郎著書甚多學者仰之為太  
山北斗 李商隱舉進士調弘農尉又中拔萃科補太  
子博士詩文奇邁世號其詩為西崑體 五代盧億河  
內人少篤學以孝弟聞歷晉漢周累官弘文館學士

皇朝盧多遜舉進士太宗時拜中書侍郎 穆衍河內

人累官龍圖閣學士嘗從韓琦宣撫陝西遇慶卒潰亂

衍母在耀州卒知衍名不敢近

輿地紀勝

集地盤山入海河繞國連天

張祐

晨嚴九折度暮戒六軍

行日御馳中道風師搏太清 氣色烟猶喜恩光草木

榮

並張九齡

順動三光注登臨萬象懸俛觀河內邑平指洛

陽川德重周王問歌輕漢后傳

蘇題題和  
太行詩

環繞兩峯間

盤回廓山腹甘泉注肥疇茂草映修竹勢阻絕喧譁巖

深易潛伏

昌黎

本朝建隆六年陞為團練俄為防禦熙寧六年省武德

縣為鎮入河內省修武縣為鎮入武陟元祐元年復

沿

表

山如削玉水涵秋人在冰壺月底遊

姜正

雪消山骨瘦

風定浪頭低數里復登岸羣賢同杖藜

文彥博

一派山光

傾翠巘暮春逐景最堪酬

長劍並彈霜氣肅白虹半

折秋雲高濯纓洗耳更何處世利回看輕鴻毛

並同上

衛州

倚郭一外縣三

汲新鄉

獲嘉

共城

郡號汲郡

州沿革天文室壁分野禹貢冀州之域本殷紂所都朝

歌之地周武王克殷分其北為邶南為鄘東為衛後封

康叔於衛春秋時邶鄘入之戰國屬魏秦屬河東郡漢

為汲縣地屬河內郡曹魏置朝歌郡屬冀州晉改汲郡  
後魏徙郡治枋頭城而於此置義州後周改衛州隋大  
業初改汲郡唐武德初復義州尋改衛州天寶初復汲  
郡乾元初復為衛州屬河北道

沿革表

縣沿革汲本殷牧野之地漢置汲縣新鄉唐初屬義  
州衛屬衛州獲嘉本殷之寧邑地秦為修武地屬三  
川郡漢武幸緄氏至汲縣得南越相呂嘉首因置縣名  
獲嘉共城古共伯之國春秋併於衛漢置共縣隋改

為共城

同上

形勝霖落山在郡城西北三十里上有香泉寺古浮圖

仙翁山在郡西二十里上有葛仙翁祠 蒼山在郡

西北四十里谷口有黑龍潭深不可測 同盟山在獲

嘉東北周武王與諸侯盟於此 蘇門山在共城北七

里晉孫登隱此 玉柱山在共城北五十里有石柱高

三丈 衛河在郡北一里東入大名府 斷脛河在共

城東紂斲朝涉之脛即此 聖水池在汲縣北上有張

齋廟 太公泉在汲縣西二十五里上有呂望廟 百

門泉源出蘇門山泉通百道故名衛風曰泉源在左淇

水在右即此上有威惠王祠並清輝殿 七賢泉源出

共城縣 凡城在共城縣西南二十里周公子凡伯封

此 牧野在郡城南周武王伐紂陳師即此 朝歌邑

在郡境內即殷舊都 七賢鄉即晉時竹林七賢之地

邀月樓 飛雲樓 警嚴樓俱在郡治 挹翠樓

筠溪軒俱在共城縣內 太公臺武王築此拜太公望

為尚父故名 共臺在共城治內臺高一丈五尺上有亭共姜守節之所 君子村在郡西蘧伯玉居於此

安樂窩在共城縣西北邵康節所寓處

輿地紀勝

人物漢向栩朝歌人少卓越舉孝廉賢良有道皆不就後特徵拜趙相又拜侍中立朝正色百官憚之 三國楊俊獲嘉人舉茂材為安陵令遷南陽太守宣德教吏民稱之 南北朝李彪衛國人少孤貧有大志仕魏官至御史不避權倖文帝呼為李生而不名 李昶彪之

孫年十歲作明堂賦當時奇之後官至臨黃縣公 唐  
謝偃衛人貞觀初對策高第歷高陵主簿後屢上賦稱  
旨時人稱為謝賦 甄濟衛州人少孤好學天寶中為  
安祿山掌書記察祿山有異志托疾求歸後祿山劫之  
起濟不從賊平遷著作郎兼侍御史 甄逢濟之子幼  
孤貧躬耕讀書因父名不得在國史詣京自言由是父  
子俱顯名於世 高郢衛州人九歲能文其父伯祥為  
好時尉安祿山反將殺之郢尚幼解衣請代賊義並釋



之後舉進士官至同平章事掌制誥家無留稿人問之  
曰王言不可藏於私家卒贈太子太保 高定郢之子  
七歲讀湯誓跪問父曰柰何以臣伐君郢曰應天順人  
何云伐耶對曰用命賞於祖不用命戮於社是順人乎  
郢異之仕至京兆府參軍 皇朝魏仁溥汲人幼孤貧  
周世宗時官至集賢殿學士太宗初進為右僕射為人  
謹厚時稱長者 魏咸熙仁溥之子性仁孝仕為屯田  
郎中常會賓客家僮履案碎器客皆驚訝咸熙色不變

其寬厚若此 魏咸信熙之弟初授春坊舍人尚公主

後以御契丹有功拜彰德軍節度使

同上

集揚芬紫烟上垂綵綠雲中春吹回白日霜歌落塞鴻

鮑照憶昔征南府內遊君家東閣最淹留共相聯句嘗侵

夜次第看花直到秋想思前路幾回首滿眼青山過衛

州楊累山自愛新梅好行尋一徑斜不教人掃石恐損落

來花張藉題梅溪周王甲子旦漢後德陽宮灑瑞天庭裏驚

秋御苑中沈佺期氛氲生浩氣颺杳舞回風宸藻光盈尺

廢歌樂歲豐

同上

洛北風花樹江南彩鷁舟芳生蕙蘭草

春入鳳凰樓

孫遜

春風野岸名花發一道帆檣盡御烟

杜甫

日臨秋草廣山接遠天微岸葉隨波盡沙雲與鳥飛

許崇

本朝熙寧六年廢新鄉為鎮入汲縣元祐二年復天聖

四年自懷州來隸獲嘉

沿革表

先生自衛客西畿樂道安

閒絕世機貫穿百代嘗探古吟咏千篇亦造微

富弼題安樂窩

客求墨妙多攜卷天為詩豪剩借春千章古木隈崖

寺一點清光守障燈

並程明道

君王不恃金湯險自有仁恩

結萬方

李廸

洺州

倚郭一  
外縣四

永年

肥鄉

平恩

鶴澤

曲周

郡號廣平 武安

州沿革天大昴分野禹貢冀州之域春秋屬晉戰國屬  
趙秦為邯鄲郡地漢初置廣平國後周改置洺州隋改  
為武安郡唐初改為洺州天寶初改廣平郡乾元初復  
為洺州本朝屬河北道

沿革表

縣沿革永年本春秋曲梁地漢為曲梁縣屬廣平國東

漢屬鉅鹿郡晉屬廣平郡隋改廣平為永年縣屬武安  
郡唐屬洺州本朝以臨洺縣省入肥鄉本漢邯鄲蒲  
縣地曹魏置肥鄉縣屬廣平郡晉因之隋屬洺州本朝  
仍舊平恩本周之甘泉市秦為晉縣漢為信城縣屬  
清河郡晉改清河縣唐復為貝州五代時晉置永清軍  
節度本朝改為平恩鷄澤春秋盟於鷄澤即此漢為  
廣平縣地隋於廣平城置鷄澤縣大業初省唐復置自  
後縣治累遷而名不改曲周本漢舊縣屬廣平國後

魏改曲安縣屬廣平郡隋屬洺州本朝因之

同上

形勝聰明山在州西六十里上有神廟 狗山在州西

七十里山頂有狗迹因名唐太宗討劉黑闥建壘於此

天臺山在肥鄉西南上有壽亭侯廟 浮丘山在肥

鄉南四里 鷄澤在縣境 石家河在肥鄉東南五里

滏水在州南五里 永濟渠在平恩西北十里隋煬

帝征遼時命名 董塘坡在曲周西北晉劉牢之北救

符丕追慕容垂于董塘泉即此

輿地紀勝

人物三國朱靈平恩人從曹操征伐有功文帝禪位封  
俞侯 晉程衡曲周人劉毅聞其名辟為都官從事在  
朝正色難犯名振遠邇 南北朝馮道振洺州人事母  
以孝聞郡召為主簿不就聞梁文帝起兵率鄉人從之  
為驍騎將軍攻戰有功進爵為伯 唐程名振平恩人  
仕為永寧令太宗征遼嘗召問方略名振辨對甚詳太  
宗稱為奇士軍中號為名將 馮仁海鷄澤人事親居  
喪有志行為鄉人所稱 郭守素鷄澤人與馮仁海齊

名同載唐書孝友傳 五代霍存曲周人善騎射仕梁

累官曹州刺史兼諸軍都指揮使 皇朝解暉洺州人

屢從征伐身先士卒金創徧體時稱驍將以功遷馬步

軍副都頭 元達鷄澤人善射隸太宗帳下累遷北面

行營都部署交士大夫能折節盡禮人以是稱之 孟

元洺州人性謹愿善讀書仕為真定路鈐轄討賊有功

累官閣門祇候禁州刺史 李若水曲周人以十舍登

第為太學博士金人侵邊若水大罵不屈遂遇害諡忠



愍

同上

集畛封連故趙廬井帶清漳

儲光義

蔓草緣闕隅修楊夾

廣津

鮑明遠

萬山盤礴全流環匯

全書

本朝建隆元年陞廣平郡為防禦熙寧三年省曲周為

鎮入鷄澤六年省臨洺縣為鎮入永年元祐二年曲周

臨洺復為縣尋復為鎮四年曲周鷄澤依舊別為兩縣

沿革

漠漠春風裏茸茸綠未齊平田鴉散啄深樹馬迎

嘶 千年幾度河山改空指遺臺是趙家 地入河流

曲天隨日去低高城已在眼聊復解輕齋

並王介甫

洺州秋

雨後幽勝可供閑

王逸宿

野泉來竹底危磴入雲間尚記

登高會重品細車班

同上

深州

倚郭一外縣四

靜安

未鹿

安平

饒陽

武強

郡號饒陽

州沿革天文昂畢分野禹貢冀州之域本漢下博縣地

屬信都國晉屬安平國隋屬信都郡開皇中始置深州

治安平縣後廢唐復置深州于饒陽後移治陸澤五代

周始徙治下博本朝改下博曰靜安

沿革表

縣沿革東鹿本漢郛縣地屬鉅鹿郡北齊改曰安國縣  
隋於此置安定縣屬定州開皇中改為鹿城縣唐初屬  
深州天曆中改為東鹿縣本朝仍舊安平本漢舊縣  
屬涿郡晉置博陵國北齊為博陵郡治隋置深州後省  
州以縣屬博陵郡唐又置深州本朝因之饒陽本漢

舊縣屬涿郡隋屬瀛川唐為深州治所本朝仍屬深州  
武強漢為武隧縣地屬河間國晉析置武強縣屬長

樂國唐屬深州後屬冀州本朝屬深州

同上

形勝武強山在武強縣境內漢置縣取此 紫金山在

深州北五十里即舊捍水隄歲久頽敗惟存二阜巉然

屹立 東鹿巖在東鹿縣北外隘內廣可容千餘人

潯沱河在東鹿南三十里 饒河在饒陽縣西南漢置

縣取此 鴉兒河在東鹿南十里

輿地紀勝

人物漢崔駰安平人博學有才時薦其宿德大儒遷濟

北相官至尚書 崔琦安平人文章博通梁冀行多不

軌琦作外戚歲以諷冀陰使人害之 晉馮沈安平人  
博涉經史仕魏為魏郡太守入晉累遷御史中丞 隋  
孫萬壽武強人博涉子史善屬文隋初徵拜豫章王長  
史有文集十三卷 崔頤安平人七歲能屬文開皇初  
射策高第居母憂水漿不入口五日後奉詔與諸儒撰  
區宇圖志 唐張進饒陽人少負奇質有膽氣唐初謀  
擒劉黑闥以功授開府儀同三司 張鷟深州人少聰  
慧絕倫為文下筆輒成舉進士累官學士時稱其文猶

青銅錢萬選萬中人號為青錢學士 魏知古深州人  
幼有才雅擢進士第後拜黃門侍郎 皇朝周仁美深  
州人開寶中征契丹有功累官右班都知戍環州 李  
昉饒陽人和厚多恕不念舊惡太宗嘗稱為善人君子  
李宗諤昉第三子七歲能文舉進士累官翰林院學  
士事繼母以孝聞與弟宗諒友愛所著有文集次子昭  
述賜進士官至尚書從子昭邁能文授館閣校理累官

工部郎中

同上

集村落人家起曙烟凌霄危度至今傳

石字

本朝太平興國七年以深州隸靜安郡雍熙二年廢三

年又廢四年復置改今治

沿革表

蕪蕪問古亭春入饒陽

城豆粥君王遠壺漿刺史迎

梅聖俞

磁州

倚郭一  
外縣二

潞陽  
邯鄲

武安

郡號潞陽

州沿革天文室壁分野禹貢冀州之域本秦邯鄲郡地  
漢為魏郡武安縣地後魏析置臨水縣後周割臨水置

淦陽縣及成安郡隋罷郡於淦陽置磁州後罷唐改為

惠州後復為磁州

沿革表

縣沿革淦陽本漢邯鄲郡地後周置以其在淦水之南

故名 邯鄲本戰國時趙都秦為邯鄲郡漢廢郡為縣

武安漢置屬魏郡曹魏屬廣平郡隋屬武安郡唐初屬

洺州後屬磁州本朝因之

同上

形勝賀蘭山在州西北四十里 紫山在邯鄲縣西北

三十里嘗有紫氣趙奢封於此 栗山在武安東十二



里相傳白起拒趙廉頗於此積粟山上 玉峯山在武  
安西南二十里有白石如玉 鼓山在武安南二十里  
亦名滏山上有二石如鼓鳴則兵起聲聞數百里 磁  
山在武安西南三十里土產磁石州名取此 滏水源  
出磁州湧沸如湯 白龜泉在武安東北上有廟龜見  
即雨 呂仙祠在邯鄲東二十里即盧生遇呂仙處  
王郎城在邯鄲西三里光武時詐稱成帝子卜者王郎  
所築 周昌墓在滏陽縣境內即漢御史大夫前有祠

蘭相如墓在邯鄲縣境內

興地  
紀勝

人物列國李同邯鄲人同趙平原君與秦戰却秦兵同  
戰死封其父為侯 劉劭邯鄲人魏文帝時為尚書郎  
授詔集五經羣書凡所著作皆寓諷諫又有人物志行  
於世賜爵關內侯 唐王及善邯鄲人以父爵錫邢國  
公為人清正有大臣節 崔玄亮磁州人舉進士為監  
察御史清介自持朝廷推為宿望 皇朝韓令坤武安  
人有才畧為天平軍節度加侍衛同平章事屢立奇功

韓令贊武安人少有勇力仕為都校防禦使屢立戰

功贈侍中子崇訓官至太傅崇業官至大將軍 蔡審

廷武安人善騎射初授冀州刺史從征太原訓練士卒

甚整後為鎮州兵馬都鈐轄 蘇寀潞陽人擢進士第

嘗使契丹聞英宗晏駕遂徹樂不飲燕累官給事中知

審刑院長於刑名受詔獎 張君平潞陽人以父承訓

與契丹戰沒平屢戰功遷右班殿直後治河遷鈐轄子

拱為河陰判嗣其父秩

同上

集客從長安來驅馬邯鄲道 秦兵益圍邯鄲急魏王

不救平原君

並王維

子真河朔尉邑里帶清漳春草迎袍

色晴花拂綬香

岑參送鄭少府

兵符劫晉鄙匕首刺秦人報士

非無膽高堂念有親

鄭從

邯鄲城南遊俠子自矜生長邯

鄲裏千場縱博家仍富幾處酬恩身不死

高適

雲起龍

沙暗木落雁行秋輕生狗知己非是為身謀

盧世南

五陵

豪俊多買酒黃金賤揮劍邯鄲市走馬梁王苑

韋端已

家

住叢臺下門前漳水流喚人呈楚舞借客試吳鉤

鄭錫

本朝武和三年改作磁州熙寧六年省昭德縣為鎮入

滏陽

沿革表

數點寒峯擁翠嵐叢臺日落見漳南回仙逆

旅今存否世上黃梁夢正酣

陳剛中邯鄲懷古

邯鄲居民苦坐

甌大梁公子思要君

張楷

朝別鄴中人暮走邯鄲道

同邯

鄲今日題詩客猶是黃梁夢裏人

遺山

祁州

倚郭一外縣二

蒲陰

鼓城

深澤

郡號蒲陰

州沿革天文尾箕兼昴畢分野禹貢冀州之域本漢中

山國安國縣地晉屬博陵郡北齊省隋置義豐縣屬博

陵郡唐改為立節縣神龍初復曰義豐屬定州景福初

於此置祁州本朝改蒲陰縣

沿革表

縣沿革蒲陰春秋時曲陽城地隋為義豐縣唐置祁州

宋改蒲陰縣鼓城本漢涿郡地本朝置鼓城縣深

澤本漢舊縣屬涿郡東漢屬安平國晉屬博陵後魏因

之隋屬定州唐因之本朝省入鼓城

沿革表

形勝鼓城山在縣境廣谷大川春月有聲相呼應清

漳水在鼓城境 潯沱河在危渡口光武為赤眉所追

馳至潯沱吏言水深無舟上使王霸視之乃言冰堅可

渡渡畢冰解因名 沙河在州西南十里東入易水

磁河在州西南二十里東流入海 八角井在深澤縣

西其水大旱不渴一名龍井

輿地紀勝

人物皇朝盧之翰少篤學家貧太宗朝登第歷遷殿中

丞通判洺州契丹入寇決漳御河以固城敵不能攻召

還歷西京轉運副使建議導滹河入於淮達許州以便

漕運 齊恢蒲陰人唐宰相映之裔登進士第通判陳

州臨政簡約州人愛之韓琦薦其賢擢太子左諭德神

宗時以天章閣待制知相州召糾察在京刑獄

同上

集佳人攜瑟漳河曉壯士悲歌易水秋

薛大拙

本朝端拱初以鎮州鼓城來屬景德元年移治於定州

蒲陰以無極隸定州熙寧六年省深澤縣為鎮入鼓城

元祐元年復置

沿革表

慶源府

倚郭一  
外縣六

平棘

寧晉

臨城

高邑

隆



平 栢鄉 贊皇

郡號趙郡

郡沿革天文昴畢分野禹貢冀州之域春秋屬晉國戰國屬趙秦為邯鄲鉅鹿二郡地漢初立趙國治邯鄲縣晉亦為趙國治房子後魏廢國為趙郡治平棘北齊置趙州隋置灤州後改為趙州大業初改趙郡仍治平棘唐復為趙州治栢鄉縣尋復治平棘天寶初改趙郡後復為趙州本朝置慶源府

沿革表

縣沿革平棘春秋時晉地戰國屬趙後魏置平棘 寧

晉春秋晉楊氏邑漢屬鉅鹿郡晉為屢陶唐改寧晉

臨城戰國屬趙為房子縣唐改臨城縣 高邑本晉鄆

邑漢為鄆縣屬常山郡光武改為高邑 隆平本漢廣

阿縣隋為象城唐為昭慶本朝為隆平 栢鄉本春秋

晉鄆邑地隋置栢鄉 贊皇東漢高邑縣屬常山國隋

置贊皇取山為名

同上

形勝檀山在贊皇縣東十里高百餘丈周穆王嘗駐蹕

於此 五馬山在贊皇東十里上有五石馬故名 贊  
皇山在縣西南十里高百餘丈縣名取此 十八盤山  
在贊皇六十里上下十有八盤 龍井在州北 思賢  
堂在隆平縣治西祀宓子賤卓茂魯恭 環山亭在贊  
皇治西環亭皆山故名 望臺在州東南漢時耿弇築  
此以望光武 千秋臺在高邑南二里漢光武至鄆因  
諸將請築臺遺趾猶存 安濟橋在州南五里浚河上  
即大石橋昔張果嘗騎驢過此河踏跡尚存 永通橋

在州西清平河上 槐水橋在栢鄉縣六里 漢光武

廟在栢鄉縣北十五里內有石人 唐祖陵在隆平縣

南十五里唐祖宣皇帝塋此 象城在隆平縣三十五

里舜弟象嘗居於此

輿地紀勝

人物南北朝李靈平棘人魏道武時以才俊被徵拜中

書博士累官洛州刺史贈鉅鹿郡公 李順靈從父弟

多計策仕魏征伐有功賜爵平棘子 李琛靈之弟仕

魏為中書郎以定淮北功賜爵始豐侯子二元茂宣茂

曾孫名槩俱有文學 李謚孝伯從孫十歲喪父哀毀  
動人事兄極恭十三通詩書歷數鄉人以神童號之魏  
文徵拜著作郎不就賜號貞靜處士 隋李德饒璨四  
世孫好學有至性仕為監察御史 唐李思行州人高  
祖起兵時以贊大議受左統軍累功遷嘉州刺史樂安  
郡公 李素立高邑人擢監察御史有犯法不至死者  
高祖欲殺之素立堅執不可帝嘉納之累爵高邑侯

李嶠贊皇人十五通五經舉進士任給事嘗排狄仁傑

冤獄 李華贊皇人舉進士累官吏部員外郎 李翔

州人中進士第初為國子博士嘗面斥宰相李逢吉之

過後拜諫議大夫 李吉甫栖筠子為翰林院學士擢

中書侍郎引薦賢士時稱賢相 李絳贊皇人舉進士

官翰林學士後與李吉甫同相甚鯁直獻宗稱為真宰

相 李德裕吉甫子初為翰林學士曾上丹宸六箴後

拜封衛國公 皇朝宋綬平棘人性孝謹清介擢進士

累官資政殿學士叅知政事 李京州人中進士第遷

監察御史數上書言事切直 王德用州人累功遷集

慶軍節度使名聞四夷時號黑王相公 郭諮平棘人

舉進士隸殿中丞嘗陳治水禦戎之策時論偉之

同上

集夜渡濁河津衣中劍滿身昨緣秦苦楚來往大梁頻

鄭縱

黃雲同入塞白首獨還家

同上

天官動將星漢地柳條

青萬里鳴刁斗三軍出井陘

王庠

忘身辭鳳閣報國取

龍廷 不學書生輩憲中老一經

並同上

本朝大觀三年陞為大藩崇寧四年賜軍額宣和元年

陞為府熙寧六年省隆平縣為鎮入臨城元祐元年復  
熙寧五年省栢鄉贊皇二縣為鎮入高邑元祐元年皆  
復沿革表川原落落曙光開四顧山河亦快哉遺山歷代遷  
關河雁風吹寒秋文

保州 倚郭一 保塞

郡號上谷 清苑

州沿革天文尾箕兼昴畢分野禹貢冀州之域戰國時  
屬趙秦為上谷鉅鹿二郡地漢為涿郡及信都中山國



地晉屬范陽高陽中山安平河間國後魏為樂浪北平  
上谷郡地隋屬上谷博陵河間三郡始於此置清苑縣  
唐時其地屬莫定滿瀛等州五代晉割屬契丹於此置  
秦州後移州治蒲城而舊州仍為清苑縣本朝即縣置  
保塞軍

沿革表

縣沿革保塞本漢樊輿縣屬涿郡北齊省入永寧軍隋  
改為清苑縣屬河間郡以境內有清苑河故名唐屬莫  
州五代因之本朝改保塞縣

同上

形勝郎山在郡西北五十里其峯尖銳如削 松山在  
保塞縣西北七十里山多松樹每風雨撒之若笙簧然  
百花嶼在郡城西北九十里高數仞百花繁盛 清  
苑河在保塞縣西二里遠城南北至東合流入黃狗窰  
石橋河在郡城南梁河在郡城東三十里東流入於  
海 蓮花池在郡治南中有看花亭 龍井在郡城南  
相傳有龍居焉 龍泉井在郡東北八十里相傳井甃  
於秦漢時後人浚井得觀音像及水瓶因水常泛溢立

觀音祠鎮之 橫翠樓在郡東 萬卷樓在郡治內

臨猗亭在郡內澄澗蕩漾簾戶疏越魚泳鳥翔雖城市  
囂囂而得三湘七澤之樂 高陽城在郡東南七十里

相傳顓頊所築

輿地紀勝

人物皇朝孫友行莫州保塞人常聚衆郎山屢敗契丹  
仕漢周累官定州留後本朝加同平章事遷左龍武軍  
大將軍 孫全照友行姪以廕補殿直從 田仲進擊  
賊有功後敗契丹累加檢校工部尚書 劉渙文質子

有才氣遇事敢為天聖中上疏請太后還政尋通判磁州累官工部尚書弟澆有智畧仕至西路都巡檢張

玉郡人隸狄青麾下善用鐵簡仁宗稱為真勇將從征懷知高有功河北三十七將推玉為第一後為馬步軍

都虞候

同上

集北風鳴晚角雨雪塞雲低丁夜救龍城急朝焚虜帳

空虛臣汗馬牧秋月疲卒卧霜風劉塞外虜塵飛頻年出

武威死生隨王劍辛苦向金微

郭元振

本朝建隆初置保塞軍太平興國六年建為州政和三年賜郡名曰清苑太平興國八年析馬州蒲城之南境入保塞

沿革表

我行保州塞御河直其東山川猶有靈佳

氣何鬱蔥

文

顧我巾車囚乘風轉秋蓬辦香欲往拜惆

悵臨長空

前人



記纂淵海卷二十一

欽定四庫全書

子部

記纂淵海卷二十三

詳校官中書臣涂日煥

侍讀臣孫球覆勘

總校官降調編修臣倉聖脉

校對官學正臣常循

謄錄監生臣甯汝欏

欽定四庫全書

記纂淵海卷二十二

宋 潘自牧 撰

郡縣部

燕山府路

燕山府

倚郭一  
外縣八

折津

昌平

良鄉

潞

武清

安次

水清

香河

滹陰

郡號廣陽 燕山

郡沿革天文尾箕分野禹貢冀州之域周置幽州武王



封堯後於薊封召公於燕即此秦為上谷漁陽二郡地  
漢初為燕國又分置涿郡元鳳初改為廣陽郡東漢省  
廣陽合上谷永光初復立廣陽郡三國魏為燕國晉改  
范陽國後周改置燕及范陽二郡兼立總管于幽州唐  
改州為范陽郡乾元初復為幽州遼陞幽州為南京幽  
都府後改幽都為析津府本朝宣和中改燕山府  
沿革表  
縣沿革析津本秦薊縣地屬上谷郡漢至唐皆仍舊遼  
改為析津昌平漢為軍都縣屬上谷郡晉為昌平縣本

朝仍舊良鄉春秋時燕中都地漢為良鄉縣潞秦屬漁陽郡漢置潞縣武清漢雍奴縣隸漁陽郡屬燕國天寶初改為武清縣安次漢舊縣唐武德間移治石梁永清本秦上谷郡地漢屬渤海郡唐改為永清縣香河本武清縣地遼于新倉置權鹽院因居民聚集遂置香河縣潮陰漢泉州縣地屬漁陽遼改為潮陰縣本朝因之

同上

形勝天壽山在府北一百里羣峰聳拔為一郡之勝槩

西山在府西三十里為太行山之首 玉泉山在府

西北上有芙蓉殿 韓家山在府西上有韓延壽墓

仰山在府西七十里中有平頂如蓮花傷有五峰上多

禪刹 西湖山在府西一百里下有溪潭因名 綿山

在昌平縣東十二里上有古道場 玉帶山在昌平東

北山腰有白石若帶故名 燕山在府東自西山一帶

迤邐東來延袤數百里抵海岸 分水嶺在府西諸水

至此分而為二 摘星嶺在府西高入雲霄 呂公巖

在玉泉山相傳呂仙往來處 彈琴峽在居庸關中水

流石罅聲若彈琴 海子在府西三里汪洋如海中有

芰荷鷗毛可玩 西湖在玉泉山下環湖十里為一郡

之勝觀 太湖在府西南傍有二泉湧出經冬不凍玉

河流出郡城東南注大通河 盧溝河在府西南亦曰

小黃河 榆河源出昌平縣黃花鎮河自塞外流入

琉璃河在良鄉南即古聖水 延芳淀在潮陰西廣數

百畝中多菱芡魚鴈 九龍池在天壽山西南泉出九

穴鑿石為龍吻水 萬柳崖在府南 銅馬門在舊燕

城東南隅即古薊城門 居庸關在府北一百二十里

天津關在良鄉縣北 白楊口在昌平縣西 黃花

鎮在昌平東北九十里 樂毅墓在良鄉南三里 竇

禹鈞墓在府西二十里

輿地紀勝

人物周左伯桃羊角哀燕山人二人為友聞楚王善待士同入楚值雨雪糧少伯桃餓死哀至楚為上大夫乃厚塋伯桃 秦蔡澤燕山人戰國弘辯智士嘗勸應侯以成功當退秦王與語悅拜客卿尋為相 漢韓嬰郡

人文帝時為博士作韓詩內外傳 韓延壽郡人為吏  
崇禮義好古教化所至令行禁止為天下最 寇恂昌  
平人光武時為偏將軍有牧民御衆之才拜為潁川太  
守當遷百姓遮道曰願復借寇君一年後封雍奴侯圖  
形雲臺 南北朝張曜昌平人仕北齊以清白稱歷官  
尚書右丞 隋慕容三藏郡人聰慧多武畧仕為廓州  
刺史招納流亡百姓襁負日至 唐盧照隣郡人與王  
楊駱四人以文章齊名號為四傑 劉怱昌平人為范

陽禪將積功至雄武軍使後遷涿州刺史 蔡廷玉昌

平人朱泚為幽州節度使謀不軌廷玉不從被囚將殺  
之廷玉對曰不殺我公得名殺我我得名泚不能屈待  
之如初 高崇文郡人七世不異居 高霞寓郡人五  
世不異居嘗從高崇文擒劉闢有功拜彭州刺史 劉  
蕡昌平人明春秋擢進士第文宗時舉賢良方正士對  
策專論親近嬖倖言極切直遂被黜時論稱屈 扈蒙  
安次人少以文學名仕周為右拾遺知制誥其從弟載

為翰林學士並掌內外制時號二扈 皇朝呂餘慶安  
次人重厚簡易事太祖以幕府舊僚參預大政歷知數  
州官至尚書左丞 宋琪郡人舉進士太祖時為左補  
闕累遷同平章事進僕射 呂端餘慶弟事太祖累官  
大理少卿後為相持重識大體子藩蔚藹皆仕于朝孫  
誨登進士第累官御史中丞

同上

集十月北風燕草黃燕人馬飽弓力強虎皮裁鞍鵬羽  
箭射殺陰山雙白狼

張子潛

兒童能走馬婦女亦腰弓

歐公



度 鴈山橫岱北孤塞接雲中勿使燕然上惟留漢將功

陳伯玉

陣去金河冷書歸玉塞寒

王賂

賓陰雲興巖側悲風

鳴樹端

陸士衡

燕臺一去客心驚笳鼓喧漢將營萬里

寒光生積雪三邊曙色動危旌

祖詠

寒深沙草白都護領

燕兵放火燒奚帳分旗築漢城

張文昌

本朝宣和四年改燕京為燕山府又改郡曰廣陽節度

曰永清軍

沿革表

燕山如長蛇千里限夷漢首衝西山麓

尾掛東海岸

會當挽天河洗此生齒萬

並東坡

萬里鉏

擾接塞垣幽燕桑葉暗川原

王安石

草自岡長暮驛賒朔

風終日起平沙

韓推主

黃金臺下古燕都潭碧淵淪粉堞

隅舟邊日照人如月色野風吹草似泉聲

范純仁

涿州

倚郭一外縣三

范陽歸義

固安

新城

郡號涿鹿

郡沿革天文尾箕分野禹貢冀州之域春秋戰國皆燕之涿邑秦為上谷郡地漢置涿郡曹魏改為范陽郡晉改為范陽國後魏復為范陽郡隋為涿郡唐初廢郡為

范陽縣屬幽州大厯中又於縣置涿州遼置永泰軍本

朝改為涿水郡

沿革表

縣沿革范陽春秋戰國為燕之涿邑唐置范陽縣歸義

本漢易縣地唐置歸義縣本朝改歸信固安本漢方城

縣屬廣陽國後屬涿郡新城本漢新昌侯國屬涿郡

同上

形勝獨鹿山在州城西十五里下有鹿鳴澤 石虎山

在州城西上有二石其形如虎 龍安山在州城西北

五十里時有雲氣騰繞宛若龍然 白溝河在新城南

淇溝在州西南督亢陂燕太子使荆軻齋督亢圖即  
此今有督亢亭 月池在州西南廣三頃其形如月  
展臺在州西南燕昭王嘗展禮于此華陽臺在州境燕  
太子丹與樊將軍置酒華陽館出美人奇馬即此 袁  
天綱墓在州東北浮落岡 樓桑村在州西南即漢昭  
烈故居東南舊有桑高五丈如車蓋然人異之因號其  
里曰樓桑南三里有酈亭即後魏酈道元故居也  
輿地紀勝  
人物漢蒯徹范陽人楚漢說士 盧植郡人剛毅有大

節官至尚書董卓欲廢立植抗義不從彭伯稱其為海  
內大儒 三國張飛郡人與關雲長輔昭烈時稱萬人  
敵封西鄉侯 晉張華范陽人學業優博贊伐吳功成  
封廣武侯 南北朝酈道元郡人仕魏為御史中丞執  
法清烈為時所忌遣為關右大使註水經四十卷 隋  
祖君彥范陽人有才學李密禮重之 唐盧承慶范陽  
人學博才辨累官至戶部尚書 賈島范陽人舉進士  
有詩名累官司戶 五代張藏英范陽人後唐末舉族

為賊孫居道所害藏英襲殺居道以祭其父母時稱為孝子後屢敗契丹官至瀛州團練使 竇禹鈞范陽人有陰德事周累官諫議大夫五子皆登進士時號為燕山五桂 皇朝竇儀禹鈞子學問優博官至禮部尚書竇儼儀弟好賢樂善累官禮部侍郎其弟侃官起居郎儼叅知政事僖左補闕子姪八人俱顯于朝 董遵誨范陽人太祖命守邊番漢悅附上嘗解所服盤龍服以賜之 邵雍范陽人高明英邁遷居河南事李之才

洞見天地古今事變遂衍寔義先天之旨著皇極經世

諸書程子稱為振古之豪傑 張世傑范陽人有忠義

累官至保康軍節度使後死國難

同上

集胡風吹朔雪千里度龍山

純明述

度關行照月乘障坐

消烟

徐知仁

鞞鼓龜鼉振旌旗鳥獸懸由來詞翰簡今見

勒燕然

同上

方消塞北祲還靜漠南塵

李巨山

本朝宣和四年金將郭藥師以州降賜名曰涿水陸威

勝軍節度

沿革表

我瞻涿鹿野古來戰蚩尤軒轅此立極

玉泉朝諸侯

丈山

曠野風多勁

范純仁

涿州沙上望桑乾鞍

馬春風特地寒

王介甫

樓桑大樹翠繽紛鳳鳥鳴時曾一

聞合使本支垂百世詎知功業只三分

朱熹

燕山竇十郎

教予以義方靈椿一株老丹桂五枝芳

馮道

誰將家集過

幽都每被行人問大蘇莫把文章動蠻貊恐妨談笑卧

江湖

李宗易  
寄子瞻

檀州

倚郭一  
外縣一

密雲  
行唐

郡號密雲 白檀



郡沿革天文尾箕分野禹貢冀州之域秦漢時為漁陽郡地後魏置密雲郡領白檀要陽密陽三縣兼置安州後周改安州曰玄州隋置檀州後改安樂郡唐為檀州遼為武威軍本朝號為檀州

沿革表

縣沿革密雲本秦漢漁陽郡地五代時魏置密雲縣行唐本真定舊地秦割為南行唐縣後魏去南字為行唐

縣

同上

形勝密雲山在縣南十五里昔燕趙伏兵於此大獲遼

衆 白檀山在縣南山陽古有白檀故名曹操歷白檀  
破烏丸于柳城即此 霧靈山在密雲縣東北山擁祥  
光如霧每于六月六日現 栢山在行唐西北三十里  
上有古栢大數十圍栢上有鉄環相傳竇建德椓以繫  
馬者 箕山在行唐西北其峰若箕形相傳許由隱此  
上有許由墓棄瓢巖洗耳溪巢父問答碑 毘山在行  
唐西北四十里峰巒若列屏障相傳毘盧佛化身之所  
上有禪刹 掛甲谷在密鄉東北楊彥朗北征嘗掛甲

于此 廣州水在密雲東北 道人溪在密雲東北

告河在行唐縣南 倒馬關水在行唐東二十里 古

北口在密雲北一百二十里 我嶺山寨在密雲東北

楊令公祠在古北口 共城在檀州乃舜流共工于

幽州之地

輿地紀勝

人物周卻毅行唐人趙衰稱其說禮樂敦詩書知御兵之道晉文公使作元帥將三軍 南北朝鮮于世榮郡人沉敏有器幹事北齊為太子太傅周武帝入代遺以

寶器不受後被執不屈而死 五代趙王郡人嘗客滄

州依節度使呂充劉守光破滄州盡戮充親屬王負充  
之子琦逃至太原後琦仕後唐官至兵部侍郎時人以

王能存呂氏之孤皆稱其義 皇朝高彥暉漁陽人太

祖時從王師伐蜀為先鋒又討王師雄之難力戰而死

集闐烽指荆關代馬屬幽燕橫海咸飛騎絕漢皆控弦

韓延 簫鼓流漢颼旌甲被邊霜疾風衝塞起沙磧自飄

揚遠 鮑明 接鎬赴陣首卷甲起行前 韓延 征路出窮邊孤

吟傍戍煙河光深蕩塞磧色迥連天

許文化

本朝宣和四年金人以州來歸賜名曰橫山陞鎮遠軍

節度

沿革表

行祠寂寞寄關門野草猶知避血痕

東坡驅馳

本為中原用嘗享能令異域尊

蘇轍題楊公祠

亂山環合疑無

路小逕縈迴長傍溪髣髴亭中尋蜀道興州東谷鳳州

西

同上

平州

倚郭一外縣二

盧龍石城

馬城

郡號孤竹

北平

盧龍

郡沿革天文尾分野禹貢冀州之域初虞分冀州東北  
為營州即此商為孤竹國周屬幽州春秋時為山戎肥  
子二國地秦為遼西右北平二郡地漢末為公孫度所  
據魏改盧龍郡北燕置平州及樂浪郡後魏改樂浪為  
北平郡隋改為平州後廢州為郡唐後改為平州天寶  
初改為北平郡乾元初復為平州五代唐為遼興郡本

朝為平州

沿革表

縣沿革盧龍古肥子國漢為肥如縣屬遼西郡開皇中

省肥如入新昌後為盧龍郡治唐武德初移平州治此  
改為盧龍縣石城東漢為海陽縣地晉屬遼西郡後魏  
因之隋唐為北平平州之境五代時始析其地置石城  
馬城本盧龍地唐開元中析置馬城縣

同上

形勝陽山在州東南峯巒高聳下多溪谷西有李廣射  
虎石 雙子山在州西山有孤竹長君之墓其西北馬  
鞭山有孤竹少君墓 團子山在州西北有孤竹次君  
之墓 橫山在馬城西四里下有深潭石井 射虎石

在州南八里漢李廣夜出見虎彎弓射之至沒羽比明  
乃知為石 海在郡南一百六十里東連遼東西抵直  
沽 譙樓井在郡治南每天將雨有氣自井中出 扶  
蘇井在馬城泉甚甘美秦太子扶蘇北築長城嘗駐此  
湧泉在郡北 桃林口關在盧龍縣北 伯夷叔齊  
廟在舊州治西滌河之濱

興地  
紀勝

人物商伯夷叔齊孤竹君二子兄弟讓國逃之首陽采  
薇以食武王伐紂扣馬而諫紂滅耻食周粟餓死首陽



之下 南北朝段永石城人孝武時討賊有功拜平東將軍唐田弘正盧龍人忠孝畏慎為魏博節度使封沂國公周寶盧龍人仕武宗為工部尚書後以功封汝南郡王 皇朝郭瓊盧龍人太祖時領軍衛上將軍尊禮儒士孜孜樂善蓋武臣之賢者也 姚丙斌盧龍人為慶州刺史在郡十數年西夏不敢犯塞號為姚大蟲子承贊為閣門祗候死于陣承鑒殿中丞

同上

集塞漠風沙外邊城雨雪間遼水三千里盧龍數萬山

建王慙

不知馬骨傷寒水惟見龍城起暮雲

王摩詰

莫賣盧

龍塞歸邀麟閣名

陳伯玉

石城昔為莫愁鄉莫愁魂散石

城荒

鄭守愚

本朝宣和四年賜郡名漁陽陞撫寧節度五年遼將張

覺據州來降尋為金所破

沿革表

遜國同來訪聖謨適觀

爭國誓師徒恥生湯武干戈日寧死唐虞揖讓區

石曼卿

大義充身安是餓清魂有所未應無始終天地無前後

名骨雖雙此行孤

同上

易州

倚郭一  
外縣二

易水  
涑水

容城

郡號遂武

郡沿革天文尾箕兼昴畢分野禹貢冀州之域秦為上  
谷郡漢為涿郡故安易縣地隋置易州大業初罷州置  
昌黎郡尋改為上谷郡唐初復為易州天寶初置上谷  
郡乾元初復為易州遼置高陽軍本朝號為遂武郡  
縣沿革易水本秦上谷郡地漢為涿郡本朝置為易水  
縣涑水本漢涿郡道縣地後周置永陽縣後改涑水縣

容城本漢舊縣屬涿郡唐屬易州本朝因之

並沿革表

形勝龍跡山在州城西南石上有仙人及龍跡西麓有坑大如車輪中有四穴春則風東出夏出南秋出西冬出北 龍宮山在涑水縣西北三十里中有石洞泉水匯石井中 大寧山在易水西中有大寧寺 五迴嶺在州西南委折五迴下望層山若蟻垤然 星月巖在州城西山頂有二穴望之隱然如星月狀 黃金臺在易州東南燕昭王所築置千金于臺以延天下士故名

石獸岡在州城西南上有石似虎 易水在縣境縣  
名取此 涑水在縣東北三十里 雷溪在州西南即  
徐河上流灘石湍急聲聞數里若雷鳴然 五龍池在  
州西北燕昭王引山泉注池栽蓮建亭于上以為遊觀  
之所 馬跑泉在州東北唐太宗征遼駐蹕於此馬跑  
地出泉故名 五華樓在州治即燕候雲物臺 候臺  
在州治周武王所築為日者占候之所 王公臺在州  
東南燕昭王所築樂毅劇辛鄒衍嘗遊於此處 仙臺

在州境燕平魯學仙於此 吟詩臺在州大寧山五代  
馮道吟詩於此 紫荊關在州西八十里歷代為扼塞  
之所 燕昭王廟在州東南二十里 四賢祠在易水  
傍祠郭隗樂毅劇辛鄒衍 樊將軍廟在州西即秦樊  
于期 古燕國在州東南廣袤六十里召公之後都於  
此 武陽城在州東南故燕之下都也 三臺城在容  
城縣燕魏分易水為界築三臺登降以耀武  
紀勝  
人物周郭隗郡人昭王招賢隗曰必欲致士先從隗始

昭王築宮師事之未幾樂毅等諸賢俱歸燕遂併強齊  
隗之力也 田光郡人不慕仕進為人智深而勇太子  
丹聞其賢願與之交與圖國事光曰臣聞騏驎盛壯之  
時一日而馳千里及其衰老駕馬先之今太子聞光盛  
壯之時不知臣精已消亡矣因薦荊軻太子曰願先生  
勿泄也光出而嘆曰夫為行而使人疑之非節俠也遂  
自刎以明不言

同上

集雄髮指危冠猛氣衝長纓飲餞易水上四座列群英

陶潛荆軻飲燕市酒酣氣益震左太此地別燕丹壯髮上

衝冠王略賓匹馬東歸羨知己燕王臺上結交新高十長

虹貫白日易水急寒風續洛陽為易水嵩嶽是燕山俗

變羌胡語人多沙塞顏李誰言行遊近張掖至幽州饑

食首陽薇渴飲易水流潛陶雙旌過易水千騎入幽州塞

草連天暮邊風動地秋皇甫政

本朝雍熙四年陷於契丹宣和四年金人以州來歸賜

郡名曰遂武防禦沿草荆軻一去不復返易水東流無



盡期

馮燕

山不改色易水無新聲誰知數尺臺中有萬

古情

中有學仙臺燕平欲升天林壑少佳色風雷

有清秋太行十萬里瀟湘橫中洲

並劉因

郭君自舉先羣

豪樂生獨步超凡曹酬恩一雪伯國恥建功並倚雲天

高

吳師道

郭隗獨為天下始樂生還自魏中來齊城下後

讒夫起易水歌長壯士哀

董儒

薊州

倚郭一外縣二

漁陽三河

玉田

郡號廣川

郡沿革天文尾箕分野禹貢冀州之域本秦漢漁陽郡  
魏晉屬幽州隋初徙玄州於此後復置漁陽郡唐置薊  
州取古薊門關以名天寶初改漁陽郡乾元初復為薊  
州本朝改廣川

沿革表

縣沿革漁陽本漢舊縣屬漁陽郡後廢唐為漁陽縣之  
大王鎮三河本漢臨洺縣地唐析潞縣地置三河縣屬  
幽州以地近七渡鮑丘臨洺三水故名玉田本春秋無  
終國地漢為無終縣魏屬漁陽郡後省唐復置屬幽州

後改為王田縣因漢楊雍伯種石得王故名

同上

形勝崆峒山在州東北五里黃帝嘗問道於崆峒山上

有府君廟存焉 盤山在州西北山北數峯陡絕 桃

花山在州西南魏志漁陽有桃花山即此 甘泉山在

州西北七十里山下有泉極甘美故名 瑞屏山在漁

陽縣北二十里連峯聳拔秀若列屏 碣山在漁陽縣

東峰巖峭峻林谷深邃 華山在三河縣北三十里上

出花斑石 聖水山在三河縣西北上有聖水可愈眼

疾 城山在漁陽縣東山中平如城有石室僅容一人

棲卧相傳孫真人修行於此 徐無山在玉田縣東北

後漢田疇避難於此 小泉山在玉田縣東北三十里

有泉出石罅間故名 無終山在玉田東北三十里乃

古無終子國 金泉河在州城北 龍池河在州南

周村河在漁陽縣西 光沙泉在玉田南溪澗中泉湧

沙而出碎若飛雪

輿地紀勝

人物三國徐邈州人仕魏歷譙相平陽安平太守所在

著稱後為梁州刺史風化大行累官司空 晉劉沅州人博學好古仕至侍中喜薦賢士為時所重 南北朝平恒州人為幽州別駕廉貞寡慾衣食常不足後遷秘書丞 平鑒郡人少聰敏有豪俠氣以軍功累遷襄州刺史後遷懷州築城以防寇城內井竭鑿衣冠而祝泉即湧出 唐魯吳州人至襄鄧節度使後以禦賊有功封岐國公 五代李承約郡人後唐明宗拜為涇州節度使見毛璋諭以禍福璋即從之明宗大悅遷黔南節

度使累官左衛上將軍 皇朝趙普州人仕太祖初為

掌書記後拜相又相太宗拜太師追封韓王 許驤州

人風骨秀異十三能文善辭賦與呂蒙正齊名擢進士

歷御史中丞用法寬恕時稱仁厚長者 楊崇勲州人

知兵法真宗時為郡牧使仁宗時拜同平章事判定州

集北登薊丘望求古軒轅臺應龍已不見牧馬空黃埃

陳子昂

鴈足牽情遠漁陽入望頻

王

征戍在桑乾年年薊

水寒

李君虞

去歲荆南梅似雪今年薊北雪如梅邊鎮戍

歌連日動京城燎火徹明開

張道濟

沙場烽火侵胡月海

畔雲山擁薊城少小雖非投筆吏論功直欲請長纓

祖詠

望薊門詩

李相將軍擁薊門白頭惟有赤心存

杜子義

惆悵秦

城送獨歸薊門烟樹遠依依

李君虞

今朝薊城北又見塞

鴻飛

張文昌

沙塞礙飛蓬

張蠟

山北築雄武城

杜甫漁陽

本朝宣和四年金人以州來歸賜郡名曰廣川團練七

年金人破之

沿革表

十載歸來對故山山光依舊白雲間

不須更讀元通偈始信人間是夢間

王季慎三河道中

樓外青

山半斜陽寒鴉翻墨點林霜

邢品夫

景州 倚郭一 遵化

郡號灤川

郡沿革天文尾箕分野禹貢冀州之域本春秋無終國地漢為右北平之境唐於此置馬監及鐵冶居民稍聚

因置遵化縣清安軍本朝號灤川郡

沿革表

縣沿革春秋時為無終國地漢置遵化縣

同上

形勝南龍山在州南八里北又有北龍山兩山相望蜿蜒



蜒如龍 明月山在遵化西南 清風山在縣南高三  
百餘仞 五峯山在縣東北山磅礴突起五峯 三臺  
山在縣東北其山盤曲三層 磨臺山在縣南四十里  
山高聳頂圓如磨 五里河在州北五里 梨河在縣  
西南 大喜峰口在縣北 龍門在縣南十里山間上  
合下開高六丈許水自懸崖傾瀉而下轟然若雷 石  
門在縣西北山勢峭絕漢張純叛靈帝遣將征之即此  
人物漢田疇郡人董卓之亂率親族隱居徐無山躬耕

養親曹魏時屢徵不出後文帝高其義賜從孫闕內侯

晉陽驚郡人器識沉遠始為平州別駕屢獻安時強

國之術後以太尉致仕 南北朝陽尼郡人博通羣籍

仕魏為幽州中正朝廷嘗命其舉賢尼乃舉其子朝廷

稱其不蔽賢

輿地紀勝

集白雲初下天山外浮雲直向五原間

盧思道

殘日沉鵬

外驚蓬到馬前

許丈化

風卷常山陣笳喧細柳營

明餘慶

吳

師驚燧象燕將警奔牛若使三邊定當封萬里侯

孔紹安

朝見馬嶺黃沙合夕望龍城陣雲鮮庭中奇樹已堪攀

塞外征人殊未還

盧思道

本朝宣和四年金人以州來歸賜郡名曰灤川軍使

沿革

表

記纂淵海卷二十二